

Guangjisi Minzcu Bau

ganhhau: CN45-0036 B.2017 Nd.9 Ng.13 liggaeuq dingyoux nienz ndwencaet ngeihsam

广西民族报

(壮文版)

主办:广西区民语委

出版:广西民族报社

出版周期:逢星期三出版

出版期数:总第3291期

Dwngzyen Sam Aen Banhfap Doicaenh Hong Hanghmoeg Ngaenzcienz Hwngfat Minzcu Vunznoix 藤县三举措推进少数民族发展资金项目工作

Bineix daeu, Dwngzyen Minz-cunghiz yungh sam aen banhfap netsaed doicaenh hong hwnjguh hanghmoeg ngaenzcienz hwngfat minzcu vunznoix bi 2017.

It dwg dinghmingz guhhong cwzyin, vih gyavaiq yamqdin hanghmoeg, ciuhai aenhohi hengzguh hanghmoeg ngaenzcienz hwngfat minzcu vunznoix, caemhcai doek-saed lingjdau faenguenj caeuq vunzguh hong, lingjdau cujyau caenndang gaem, lingjdau faenguenj ciengzsaed gaem, aeu yinvu, cwzyin ciengzsaed doeksaed daengz vunz, giengzvaq moegbiu cwzyinci, gyavaiq le haiguh hong hwnjguh hanghmoeg.

Ngeih dwg giengzvaq gviveh hengzguh. Haeujlaeg daengz aen yanghcin yaek bauq hanghmoeg haenx, doiq dieg hengzguh hanghmoeg guh yiemzgek daengz dieg gaujcaz, caiq yaengdingh hanghmoeg douzyiengq dajveh yieingq yen cwnghu cingisi caemhcai baefuk ngaenzcienz douzyiengq caeuq dieg hengzguh, yiemzgek ciuq gi iugouz yungh ngaenzcienz hwngfat minzcu vunznoix, dingh'ok hanghmoeg hengzguh fueng'anq. Dwngzyen ndaej hanghmoeg ngaenzcienz hwngfat minzcu vunznoix buek daih'it bi 2017 gungh 153 fanh maenz, ngaenzcienz gungh yungh

daengz 12 aen hanghmoeg bae.

Sam dwg gyagiengz hanghmoeg dukcaz. Vih baujmaenh hanghmoeg bauj caet bauj liengh, lingjdau cujyau caeuq lingjdau faenguenj ciengzseiz cam yamqdin hengzguh hanghmoeg, caemhcai gapbaenz cujdukcaz 20 lai baez haeujlaeg daengz aen cin aen cunh hanghmoeg dukcaz hanghmoeg hengzguh cingz-gvang, yawjraen vwndiz gibseiz caeuq cunh, cin, haigoeng danhvei doxyau caemhcai gibseiz guh cingjaij. Seizneix, Dwngzyen 12 aen hanghmoeg yamqdin hengzguh gaenq bingzyaenz daengz 60% doxhwnj.

(Lij Swng)

Yungzsuij: Haj Fanh Boux Lwngnyez Myauzcuz Ndaej Gwn Donq Haeuxyngzyangj



融水:五万名苗娃享受营养餐

Geij bi neix, Yungzsuij Myauzcuz Swciyen laebdaeb gyalai ligdoh bued ngaenz hawj donq haeuxyngzyangj mbouj aeu ngaenz, bued ngaenz hwnjguh ranzgnhaeux, hengzguh giugwn boiqsoengq biucinj doengjit, sizbuj biucinj doengjit, hawj lwghag gwn imq gwn ndei. Ciuq gyoepeuq, dan bineix, aen yienh neix daengx yienh couh miz 235 aen hagdan 5.65 fanh boux hagseng ndaej gwn donq haeuxyngzyangj mbouj aeu ngaenz, ndawde yiengsouh gi ngaenz cunghyangh bued hawj miz 247 aen hagdan 4 fanh lai boux hagseng, yiengsouh gi ngaenz ndaw yienh bued hawj miz 6 aen hagdan, 1.5 fanh boux hagseng. Ndaw doz dwg hagseng Myauzcuz cingq gwn donq haeuxyngzyangj mbouj aeu ngaenz.

(Liu Swjyenh/廖子渊)

Duh'anh Haenqrengz Dajcauh Lajmbanj Moq Vuenyungz Habyouq 都安全力打造幸福宜居新农村

Bineix daeu, Duh'anh Yauzcuz Swciyen comz goengrengz, dawz gaijndei vanzging vunzyouq lajmbanj, gungganq vwnzmingz funghaiq moq, doidoengh hwnjguh lajmbanj gyaundeid dangguh gi banhfap mizyauq doidoengh vut gungz gunggeng, roengzrengz dajcauh lajmbanj moq vuenyungz habyouq.

Aenmbanj vunzyouq bienq seuq. Haiguh ceihleix saedceij vanzging naj ranz laeng ranz ndaw ranz, sonyinx nungzhoh dinghdiemj doicuengq, gohyoz cawqleix nyapnyaj, sonyinx nungzhoh baetsauq naj ranz laeng ranz, hawj vanzging bienq seuq; cug ranz gveihfan haeuxgwn, hongdawz, fwng daengj baijcuengq doxgaiq youq ndaw ranz rog ranz; gyalai gai "seiq haih" fuengzceih banhfap, baujmaenh ndaw ranz rog ranz seuqsag.

Saedyienh roenloh bienq seuq, dungjcouz gi ngaenzcienz bangfuz, dajdongj roen doeng cunh, doengmbanj, haeuj ranz. Guhndei ranz vunzyouq goengnaengz, cienzmiendoihengz gaij ranzdajcawj, gaij diengzhaex, gaij dien daengj, saedyienh ranz vunzyouq gezgouancienz, goengnaengz caezcienz, anbaiz hableih, yienghsienq gyaundeid.

Gungganq funghaiq moq bienq cingqciengz. Doenggvaq fatok cunh ganbu, dangjiyenz guhyiengh daiqdauez cozyung, sonyinx vunz lai saeh gezvwnh aeu yungh fap moq banh, begsah genjdanh banh, gagrox daeqceih funghgen maezsaeng hozdung, hawj vwnzmingz funghaiq moq yungzhaeu lajmbanj guh hong saedceijgak aen fuengmiend, doi-

doengh cauxbaenz ndawbiengz ndei funghsang moq; haenqrengz fatyengz hauq bouxgeq gyaenz caengaenh conzdungj vwnzva, cingqciengz haiguh bingzsenj "lwgbawx ndei" "ranznden ndei" "gyahdingz ndei" daengj, cauxbaenz gi funghsang ndei aeu gyahdingz huzndei coicaenh hwnjguh aenmbanj huzndei haenx; okhingz sonyinx, dajcauh "diuz gai vunzndei Duh'anh", daj Duh'anh geij bi neix daeu okyienh saeh daudwz okhingz youqgaenj ndawde, genjleh mbanj saehsaed daudwz mozfan yienhda, miz daibyausjng, yingjyangliz hung haenx, dawz siengq vunz caeuq genjyau saehsaed guhbaenz mbawvehnem senhconz gyoebcomz langhbaij, doidoengh cingqciengz gungganq funghaiq moq.

(Veiz Gwngh)

SIUSIK DINJ 简讯

● Ndwen 9 ngoenz 6, Vanz-gyangh Mauznanzcu Swciyen Siuhfangz Dadui bae daengz Yinloz Myauzcuz Yang haiguh hong senhconz, siuhfangz yienlien, siuhfangz ancienz genjcaz, cienzboq "naengzliengh ndei" siuhfangz, doenggvaq fatcuengq siuhfangz ancienz swliu, gangj siuhfangz cihsiz, yienhciegz son'gyauq yungh siuhfangz gigai daengj fuengsik cienzdox siuhfangz cihsiz hawj vunz lai dangdieg.

(Lij Conzyi)

● Ndwen 9 ngoenz 2 banhaemh, aen yizsi hainduj gai daihseiq "sau ronghndwen Mbanjcuengh" genjleh doxdax youq Denzyangz Yen Singzgaeuq Denzcouh banh, doxdax neiyungz faen baenz langhbaij yienghsienq, biujyienj dungxaiz minzcu, baijyienj ndangdaenj Bouxcuengh daengj hothoh. Boux ndaej cieng yae guh bouxdasij yienghsienq ndei Singzgaeuq Denzcouh caeuqfaenh aen hozdung doxyau yisuz caeuq doigvangq gaisau lijyouz, doigvangq caeuq fatyengz vwnzva Bouxcuengh, hawj engq lai vunz roxyiuj vwnzva Bouxcuengh.

(Anh Yezfungh)

● Mboengqneix, ging swcigih nungzyez bouhmonz doigawj, lauxhangz guekgya nungzyez bouhmonz bingzsaemj, "hidungj ndaem makndae Gunghcwngh" ndaej dingh baenz buek daihseiq 29 aen "yizcanj vwnzva nungzyez youqgaenj Cungguek" ndawde aen he. Itcig daeu, aen yienh neix gig yawjnaek hwngfat canjnieb makndae, doenggvaq baenzdaug bangfuz cwnghcwz, haenqrengz hwngfat gi vunqsik swnghdai nungzyez "mou+cauji+mak" sam loh caez guh, sonyinx boux ndaem mak gohyoz dajndaem guenj hen, hawj canjnieb makndae daengx yienh hwngfat guhhung.

(Moz Yaujhanz)

● Ndwen 9 ngoenz 2, Mbanjcuengh Mbanjmajhaij Lungzciz Cin Lungzswng Gak Cuz Swciyen banh "ciet lwgmanh". Vunz lai Bouxcuengh dangdieg haiguh mbaet lwgmanh, dak lwgmanh, faeg lwgmanh doxdax daengj hozdung miz yinx, yinx ndaej haujlai bouxhek daeu yawj, caeziengj gi angqyangz fungsou.

(Vangz Swhcang)